

西菴集卷之五

明翰林典籍五羊孫黃仲衍甫 著

姑蘇葉初春選 邑人曾仕鑑校

五言律

雨中寄友

客有還家夢空山兩正來寒生衣袖薄風急樹雲
開掩戶坐終日思君重幾迴琴邊有清興能復醉
深杯

山中寫懷

野館愁俱寂空林日未斜看雲偏憶母為客久歸

家獨自嗟萍梗非關戀物華晚來山雨裏猶見杜
鵲花

光孝寺

兩葉菩提樹天花蔭荀林塵機方外息幽趣靜中
深野色連香積秋聲雜梵音隨緣僧供裏子亦長

酬王道原

鳳池鴛鴦侶幾載此南遷柳色迎征棹薇香憶盛
年訟庭栽白蠟官步到紅船君思金門客逢黯然

過東阿懷雪蓬

故人今不見孤客倩誰憐事業清時困名聲舊邑

傳紫髯風獵七紗帽月娟七儻遂幽園約琴樽共
晚年

荔灣漁隱

家住半塘曲沿回幾折灣門前荔枝熟屋後釣舟
閑杳邈熊羆兆空濛虎豹閑如何三里外便是五
湖間

五言排律

翠筠軒爲源上題

篁竹本脩修僧房分外幽祇園栽未合因地養初
稠苦節頭陀行虛心般若舟禪餘金粉落定起揮

龍抽渭葉慈雲護湘枝法雨流斜穿瘞鴈塔高過
講經樓色映菩提靜陰連蒼鬪浮護持澆記日山
偈刻枝秋掛袖踈螢度煎茶病鶴愁箇繁教畧洗
籬缺更須求臘紀應同祖清緣或共脩移床看翠
葆斫汗試銀鈎玉版供香積漁竿拂石頭風旛搖
瑣碎月磬和蕭颼閱歲開荒徑尋盟到野鷗閒門
邀蔣翊精舍候王猷石上攤碁局林邊列酒甌素
琴調白雪彩筆畫滄洲興與梅花共心同造物游
更須三內翰飛錫問揚州

七言律

南山雜詠

湘潭千頃碧波澄爭似南山一段青山雨欲來雲
氣重江鷗飛去釣船輕詩成多是琴邊興老去應
憐物外情閑喚小童敲白石不知芳草夜來生

峽山寺

三首其三與鄭御史李
喻國同登時再召赴闕

峽束滄江萬壑雷梵王樓閣倚天開山從中宿城
邊去水自連州港口來雲葉捲時徠獻果雨花飛
處客登臺青鞋未訪和光洞奏賦金門亦杜哉
竹裏維舟陟翠微閒門臨水欲嶽巖雲生佛殿飛
來處猿嘯山僧出定時斷刻尚餘梁日記古松猶

偃漢朝枝煙霞二妙應相笑盛世藏珍負夙期
明日青陽逼歲闌繡衣聊得共躋攀雲鋪鶴背浮
金殿風引猿聲怨玉環薄宦豈堪長在客故鄉惟
有一登山繩床睡暖梅花月輸與蒲庵老衲閒

遊羅浮 三首

白鶴峯頭春暮時水簾洞口鶴鷓飛千林錦樹化
紅雨百道玉虹穿翠微神朝帝闕鶴爲騎靈語仙
壇霞作衣坐憐佳致惱魂夢應覓真人扣息機
四百峯巒列海圖飛雲絕頂啟玄都丹砂五色時
光焰紫翠中天半有無觀裏松株皆住鶴山中竹
葉盡成符鐵橋歸去尋清賞爛醉仙人白玉壺
四百峯巒拱御臺藥珠樓閣倚雲開荔枝花落山
鳩語蘆橘子生江燕來黃野故居羊化石等洪丹
竈錦爲苔仙遊倘遂凌風約羽服黃冠亦快哉

拜祖墓

芳草淒淒夕照前獨將春酒酹荒阡已嗟世事成
千古纔說清明又一年滿目江山增舊恨幾家榆
火起新煙從來俯仰傷懷抱不似于今倍黯然

重過林氏別業

曾侍先君訪太丘葛巾校老尚封侯青筠簾捲風

生席白紵歌殘月滿舟興發共吟鸚鵡賦酒闌重
解鸚鵡裘傳家幸有賢孫子別業新成似舊遊

題海翁詩卷後

海屋珊瑚幾度花仙籌長爲記年華天晴霧雨籠
蛟室夜冷星辰泊釣糈巢父詩篇留字內嚴陵名
字達皇家無因一遂神遊約共覓安期棗伴瓜

靈洲

金鰲露背出滄溟撐柱惟應情巨靈坡老留題空
斷碣德雲種栢滿幽庭天寒怖鶴依江渚夜靜靈
鼉聽塔經畫舫圖書催入覲庾梅關北樹青青

秋江送別

千家城郭遠依依握手離筵話夕暉碧海雲深秋
自老蘆花風急鴈初飛客情猶醉千鍾酒書劔誰
憐萬里歸慈母白頭應問信倚門遙識老萊衣

送趙宣使之德慶

阿翁高步金鰲背南郡今留彩鳳雛名姓幾年通
上國才華蚤歲入中書花明畫省詩千首木落寒
灘酒一壺若到康州煩借問故人黃趙近何如

鍾山應制

蒼翠巍巖插昊穹紫金突起大江東三山遊跡披

鯨海五岳齊肩擁帝宮珠樹鳳鳴瑞日寶圻龍
虎壯威風萬年聖壽高堪並嘗有神人祝華嵩
新春從幸天界寺次詹冢宰鍾山應制韻
天界叢林開象魏朱衣環珮儼群仙瑞露迎鑾飛
扈蹕皇都佳氣藹新年玉宸香滿三千界蓮座光
浮尺五天勅賜御前催應制侍臣簪筆思如泉

駕遊鍾山應制

玉宸警蹕出蓬萊近望名山翠色開松栢屯雲車
騎過峯巒簇錦節旄來九成奏樂喧泉澗百職聯
班蹴蹬苔讌賞太平當賦咏小臣侍從媿非才

駕幸天界寺和朱太史筇韻

宴語從容對上方侍臣揮翰筆如杠從行衛士隨
僧供出定經声歇梵腔驚嶺曉雲扶輦轂龍河春
水漾旌幢清平自覺文章盛長憶天兵未渡江

陪翰林宋承旨遊鍾山

天上禪關敞薜蘿每緣休沐得經過雲籠梵宇青
蓮濕地接皇居紫氣多甘露結花凝木末醴泉和
雨落岩阿欲陪謝傅金屏約未解朝簪柰爾何

訶林送趙生留南歸

幾年煙月共林垞此日看花入鳳城老我未酬清

世念別君因起故園情朝廷有道容樗散獻納無
才愧聖明歸去爲煩先問訊滄江漁艇白鷗盟

寄趙進士安中

詞林每問歸安使聞說先生在德清暇日畫簾公
吏散春風華館子衿明三年不見新書札百里空
傳舊政聲日暮碧雲何處合思君吟遍石頭城

送張典籍訥之官大同經歷

三首

春風鳴玉下天階萬里從戎亦快哉遠仗皇威清
朔漠更依雲氣望蓬萊參軍孫楚登瀛客草檄陳
琳補袞才邊事太平烽火息柳營羗角爲誰哀
邊陲見說青烽滅替畫遙知白羽閑夜月葡萄種
帳底春風箠策柳營間賈生長是懷金闕定遠安
能老玉關沙漠年年飛羽捷想隨驃騎凱歌還
文章堂上論交日對榻哦詩白晝長晴日畫簾窺
水映暖風羅袂散天香尋常應制才堪並四十從
戎髻未蒼春半黃河水片解旌麾幾日望燉煌

奉太史令護軍公

虞淵捧日帝羽儀文事武備天人師筆端詞翰河
漢決胸次韜畧風雲隨邦基肇造古伊呂謨猷篤
棊今臯夔畫圖麒麟盟帶礪仙遊更與赤松期

孫西齋集 卷之五
投贈山東何方伯 二首

皇風來播南陲日開府兼持將相權千里分封鸞
誥下三珠耀日虎符懸長憐野日遠清顧且喜恩
光照暮年勲業已成頭半白蔣陵佳氣麗中天
君侯昔在東藩時英風遠畧人共知帳前鐵騎金
鎖甲腰下寶玦珊瑚枝將相兼權未足貴身名兩
存今始竒便可臨風搔白首對酒且賦歸來詞

送張翰林孟廉赴山西行軍 二首

漢將防邊意氣豪參軍行處擁旌旄雲連白雪飛
花片風捲黃沙似海濤塞曲但聞吹篳篥人家多
自種葡萄昇平見說從戎樂欲解儒衣問戰袍

清時况是金閨老躍馬關河髮未華翠柳東門開
祖帳黃河北岸擁高牙安邊羽檄傳司馬落帽西
風憶孟嘉萬里封侯吾輩事遲君談笑靖胡沙

奉酬劉友賢黎仲輝二御史見過

故人驄馬曉相過錯莫鄰人避玉珂朝下楚城高
蓋合春深門巷落花多飛騰每羨青雲早衰懶無
如白髮何相見惟期樹勲業蔣陵佳氣正嵯峨

寄彭萬里給事時參山西政

與君文采舊同朝翠管文章上九霄輦路香風隨

西華集 卷之五
鹵簿天壇花雨聽簫韶鶴鸞一別京關遠雲月三年楚水遙欲寄清詩慰寥闊汴河東去近無潮

送沈主事起復除西安知縣

年少天官舊考功馬蹄催入未央宮聲名已在雲霄上卿國猶懸涕淚中輦路繁花明旭日佳城喬木語天風傳家正欲存忠孝千古君臣此道同

寄羅友章先生

三年薄宦淹吳楚長憶先生在海涯不着朱衣垂玉佩還將白髮映烏紗遙天劍氣藏珠斗百越文光絢綵霞雲路相期苦相失春鶯啼徹上林花

圓丘大祀

松柏蕭森倚半空天壇高峙帝城東宸旒肅穆千官合鹵簿輝煌萬國同上界清都移碧落泰階黃道隱晴虹相如莫獻青鸞賦不是祈靈太乙宮

寄黃負外文博時佐守徐州

使君文學冠賢科入拜工曹意氣多五色雲中披奏牘九重天上振鳴珂趨朝共沐恩沙濶出守誰憐歲月過會有蒲輪徵故舊未應黃髮老蹉跎

送劉芳之入蜀

蛾眉西上穆陵關猶似簾櫳響珮環華月高秋沉

孫西齋集 卷之五 九
楚館綵雲清曉散巫山鸞衿寄恨今宵永錦字傳
情幾日還惆悵風前花落盡相思惟有淚潸潸

餞宋承旨潛溪先生致仕歸金華

五首

鰲峯朝日鵲聲稀內使傳宣下紫薇與告不須留
秘閣許歸仍及賜春衣恩濃玉檢天書濕人去金
莖瑞氣晞况是陽和二三月都門柳色正依依

承恩初入詞林日亦得叨陪侍從班雲影九重開
鳳閣天光咫尺近龍顏彤闈侍讀青春暖彩筆題
詩白日閑此去定酬優老願軟輪遊遍越東山
保傅儲皇二十春白頭歸去歲華新優賢寵渥非

緣老蓋世文章不是貧錦誥渙頒雲五色青宮喜
見日重輪懸知戀闕丹心在長倚遙天望紫宸

一自先生離禁闈玉堂清致更無人金蓮颺彩初
寒夕燕寢凝香散莫春著作有官惟故事論思此
道竟誰陳青雲志氣慚悲梗不覺臨岐淚滿巾

龍門佳致接仙山舊築茆堂紫翠間方外羽人霞
作袂瀛洲歸客玉爲顏常時望氣懷京國午夜朝
真響珮環願祝聖朝千萬壽還隨笙鶴到天關

贈脩撰道夫

蓬髮飄蕭洛上翁金門日日候晨鍾論思入奏酥

孫西齋集 卷之五 十一
光近對御題詩燭影紅衣故尚餘當日繡馬寒猶
是舊時驄詞華已作青雲客聖代于今雨露濃

西樵

西樵山勢捲飛龍萬里扶桑海色通日麗錦巖開
罨畫兩餘銀渚漾芙蓉紫河車蔭仙人掌白鶴花
明玉女峯上相朝元鳴玉佩三城佳氣鬱龍葱

懷脩撰朱侑萬

先生舊是瀛洲客文藻風流第一人華月玉堂仙
署冷西風遼海髮毛新文園最憶相如賦茅屋誰
憐杜老貧聖世雲衢需俊彥肯令漂泊暮江濱

冬至

冬至至日日初長久客客懷懷故鄉梅蕊惟愁雪
爛熳柳條又是春將相懶朝違世真自笑憶遠寄
書殊未央海門關外暮雲合應有南還征鴈翔

乙卯除夕

四十今已過二年明日又復歲華遷頭顱種種見
白髮生計落落仍青氈梅花亂開客愁裏雲物長
迷鄉國邊且可吟詩酌春酒爛熳取醉東風前

鳳凰臺

綺翮千年去已遙古臺猶見碧岩堯楓林曉露迷

三楚柳陌春風暗六朝狂客昔時揮彩筆飛仙何處
處檢瓊簫簫惟餘一道巴江水流向天門作海潮

再遊鍾山

空青樓閣宵冥間云是東南第一山武帝鸞旂烟
草碧誌公龍錫雨花開江光遠盪電翳窟雲氣常
籠虎豹關欲駕天風凌絕頂上方琪樹夕陽還

懷舊遊寄李士行

憶上高臺望赤霄火輪光動彩虹飄鮫人夜織明
珠佩龍女晨參絳節朝迤北關山周正朔平南將
校漢嫖姚狂遊又是三年別海上蟠桃露氣銷

寄高彬

條風二月古隋堤楊柳青青拂水齊萬里客懷將
白髮一年春信又黃鸝親朋歲久愁多望故國書
成醉懶題惟有別君情不淺夢中時到石城西

送蔡九節還南安

幾年爲客怕逢秋每見春來憶舊遊歸夢夜隨寒
雨急片帆春逐大江流看山有興還堪寫惜別從
來不解愁斗酒殷勤拚一醉相思何處却登樓

春興寄端方故居

亂藤高竹散清烟獨倚闌干思渺然流水浪隨春

西菴集
卷之五
浦澗故人家住白雲邊三年遠別空相憶一段新
愁自可憐欲得山陰晴夜雪東風吹放大江船

送人還鄉

歲晏那堪送獨歸石門烟樹晚依依幾回客思愁
江浦十幅蒲帆掛夕暉沽酒乍聞何處笛問程應
爲故山薇到時猶想多幽興一樂堂深見舞衣

西巖圖

爲嚴彥恭題

欲寫滄浪愧不才畫圖今喜見君開峯巒影落寒
潭靜欸乃聲從返照來千頃白波龍伯國百年高
興子陵臺聞君早晚趨金闕風雨漁磯長綠苔

懷白雲山房

家住滄洲洲上山數椽茅屋亂雲間天晴疊嶂開
金碧雨過清泉響珮環高興別來長寂寞故人誰
與共躋攀洞門猿鶴應相問何事先生久未還

除夜

大地白雪似白沙遊子况復未歸家寒雲黯淡暗
海曲春風浩蕩來天涯楚山蘆橘漸舒葉故園枇
杷應着花未得乘船出京口枯坐旅邸如春蛙

西菴集卷之五 終

西菴集卷之六

七言律

之官平原留別諸老

朱衣和淚別龍庭瘦馬嘶風出鳳城托迹禁幃原
已重之官名邑未全輕驅馳秣笑儒生拙憫念難
忘聖主情後夜玉堂清漏永紫薇花月向誰明

別妓

驪駒西上帝皇州斜抱雲和淚暗流子夜歌詞翻
白雪殘春風物似清秋青鸞信斷陽臺路翠被香

寒燕子樓七十二泉紫別恨濟南烟樹綠幽幽

江上

江上青楓初着花客帆和月宿蕪葭雲過踈雨數
千點臨水小村三四家風起漁船依釣石潮回歸
鴈認平沙秋懷已向南雲盡又是滄洲閱歲華

金山寺

玄洲貝闕爛相輝夾岸人家對敞扉四壁波濤長
觸石孤山花木自成圍橫江鶴向揚州去泛櫓僧
從建業歸遷客憑闌重回首蓬萊雲氣曉熹微

送牛應祥都閩

將軍淮北分符地正在隋家古汴河別館芙蓉飄
繡帽御堤楊柳映雕戈疆兵戍久通胡語降虜年
深解漢歌此去看花朝上國春風天上聽鳴珂

高郵

山日未出煙渺茫高郵放船催下江搖櫓唱歌白
鷓子過湖打鼓黃頭郎鳥拖雲葉低貼水魚喫浪
花高接窓微官所得幾何計吟鬢四十今蒼蒼

秋風二首

秋風浙浙吹屏山汴河之水聲潺潺歸雲一似宦

情薄飛鴈不將鄉信還千峯澹對寂寞景孤客况
樓羈旅間且可任歌對樽酒未須慄戚懷江關
秋風浙浙吹江亭汴河之柳猶青青黃姑東渡會
七夕白帝西來朝百靈初開琪樹已云落遠別客
愁今未醒欲寫鄉書寄南鴈故園萬里天冥冥

虹縣九日登五女塚 三首

肺氣經秋久未平佳辰酌酒看君傾兩催黃菊非
無意風落烏紗最有情仙客此時緱嶺上彩鸞何
處玉簫聲透遲未就丹砂術俛仰微官愧此生
老去佳辰得幾逢登臨此會歎匆匆雲來汴水波
光白日落屏山樹杪紅抱病獨憐貧子羨休官惟
羨老陶翁遙知弟妹家山裏幾向天涯倚斷鴻
五女峯頭煙樹荒登臨聊得散徜徉忽驚重九今
朝是却憶三千客路長冷露餘花偏有色朔雲斷
鴈不成行寧教醉裏逢佳節且免醒來望故鄉

淮上憶京

去歲茲辰客帝畿蔣陵西曲鴈飛飛秋風叢菊開
荒徑落日浮雲蒲翠微老去吟邊芳物改別來天
上故人稀登臨復對青樽酒醉倚淮山憶禁闈

清河口

清河黃河相間流四月五月如九秋墨雲壓地箕
斗黑濁浪吐雪龍魚愁江河萬里杳何極行役半
生猶未休故園清興自不淺此日松竹風颼颼

圯上懷古

草沒荒臺烟樹疎維舟凝眺又踟躕凌波見說求
仙履博浪曾聞誤副車勲業赤龍三尺劔風雲黃
石一編書獨憐衣赭人如玉鴻鵠歌殘怨有餘

過三洪

官舟已落三洪口猶在飛流瀕湧間放棹忽聞過
亂石開窓始覺慰愁顏雲連雪浪瞿塘峽樹隱青
坵古劔關謾有微吟追太白此身疑謫夜即還

過呂梁

二月三月寒尚饒上洪下洪春雪消奔霆出地星
火裂吼浪觸石電鼉騰晨昏霧底蒼水佩明滅雲
中丹鳳簫靈風為我送歸棹故園越海天迢迢

帝子

彭城三月風氣和呂梁雪消春水多濁霧蟠空作
飛雨崩濤海岸成盤渦鮫人珠佩影明滅龍女金
支光盪摩故山雲物幾時見遷客此地長經過

徐州洪 二首

呂梁積石天崢嶸徐州上洪波稍平蛟龍怒卷四
時雨砥柱亂落三秋星辛夷杜若散洲渚貝闕珠
宮開窈冥舟人倚棹笑相語九里山色連彭城
龍門鐵石倚天開彷彿瞿塘灑灑瀨堆萬里江風來
灝氣九秋晴雪迸驚雷層陰水府和雲見濁浪漩
渦劃岸迴小艇扁舟待明發霸王臺下久徘徊

漢祖廟

長陵見說石麟荒遺廟丹青野水旁古劍星光時
出沒大風雲氣尚飛揚三秦寶鼎垂鴻業萬歲英
魂戀故鄉莫恠憑高重回首楚臺烟樹鬱青蒼

歌風臺

漢陵秋樹起蒼煙故里高臺夕照邊逐鹿洪圖今
已矣歌風遺跡尚依然赤松人去封留候夢澤雲
浮狩楚年可是君王思猛士青峯和雪暗胡天

戲馬臺

蓋世英雄亦壯哉古河三面對荒臺漢家陵闕迷
春雨嬴國江山起暮埃雄劍昔年金錄鏃龍媒此
日錦筵摠鄉雲一笑山花動疑是君王衣繡來

范增墓

舊識荊州老將名秋風此日過佳城群雄逐鹿留

遺跡稚子束羊入廢塋玉斗有聲松雪落蒼精無
影石麟橫可憐牢落祥雲氣又向芒碭谷口生

過黃石公祠

塵編寥落千秋事野客停舟問隱居煙月高名興
漢後風雲遠畧避秦餘赤松仙子依丹室黃石山
精護素書歲晚圯橋風物改坵中履迹近何如

過高唐

瘦馬嘶春北郭門郡城茅屋似山村荒墻胔子雄
風在野曲縣駒舊譜存霏霧出林銷殺氣行雲駐
彩閣朝昏千年往事今塵土廖落幽花酒一樽

客平原春日有懷

悵望鄉園去計違春來惟有思依依客程故向南
天遠花信偏於北地遲漢帝苑邊蘆橘熟秦陀墓
上鷓鴣飛柴門獨對東風掩此日松筠冷翠微

宿高彬第

夜宿故人孤旅卽更深華月滿晴空朋游動是經
年別樽酒寧知此會同上國鶯花明戚里故山松
栢語天風豪吟未覺清狂盡醉裏詩成氣吐虹

挽夏尚忠

疋馬江南更度關寒雲撩亂撲燕山故鄉風物頻

回首同輩衣冠竟厚顏使節謾隨征鴈遠宦情長
似野鷗閒黃灣綠水深千尺此日西風旅櫬還

送陳御史孟陽之官三河

幾年文墨侍彤闈妙句曾看對御題翠栢臺前聽
雨漏金蓮炬底立霜蹄當時意氣青雲動此日棲
遲皂帽低岐路相逢又相別灤河煙樹冷淒淒

贈楊主簿時爲金銀閘垣官天台人 二首

寒落清秋老孟嘉向風長是整烏紗西江見說詩
無敵東郡誰憐髮有華金垣晚飛湖上雨巾峯晴
漾海門霞微官未遂清遊願華負仙桃幾樹花

黃河四月動官舟河上梁山紫翠浮馬頰餘波衝
岸斷龍門殘雪帶星流熹微署氣鄉心遠颯還涼
風鬢影秋遙憶釣魚洲渚上幾番吟興負沙鷗

古河

蕭關之北黃河流昔時禹蹟今成丘荒碑苔蘚不
辨色古水蛟龍猶有湫野人千載見清淺海宇萬
里無戈矛明當作頌獻天子高鑄寶冊垂鴻猷

出關

忘却看花上帝都出關猶記佩兵符龍歸古寺雲
初定鳥落寒灘水半枯萬古文章關氣運十年風

聖老頭顱馮將翠管三千牘換取黃柑二百株

冬至

朝來喜色動鍾山雲氣從龍杳靄間
宮扇影搖春仗下佩環聲散早朝還
書祥謾有三千牘獻頌長違咫尺顏
已擬陰何同結社遍題新句老江關

思家

京華薄宦已沾巾寥落三年濟水濱
冷雨青燈吟客夢東風蓬髮異鄉人
雲濤渺渺滄江暮榆柳依依旅邸春
朋舊別來多野興故園應已賞芳辰

南昌鐵柱觀

琳宮石筍露岩堯云是千年此鎮妖
方外羽衣能濟世城中仙甃亦通潮
蛟龍水底蟠金鎖雞犬雲間聽玉簫
行橐已垂思點石祈靈壇上倚逍遙

十八灘

五城一別二千里孤棹重經十八灘
拍岸怒濤雷噴薄橫江亂石鐵嶢岩
天陰紫蜃籠商軸夜冷蒼龍吼劍閣
循記平南諸將下樓船此地凱歌還

寄高彬二首

與君夙有通家好堂上嚴親未白頭
野寺花明春載酒清溪月朗夜浮舟
陶潛此日生歸思屈子長

年賦遠遊煙水五湖歸棹早為余開逕碧林幽
蟾溪溪頭春水生故人卜築節堂清開門雨過芳
樹綠對酒風來幽鳥鳴我纒薄宦去卿國君亦久
客留天京未知何日遂歸計重結漁郎鷗鷺盟

采石太白墓

冠屨何年墮世塵先生元是謫仙人春雲彩筆驚
飛燕暮雨滄江泣石麟牢落清名元不歿衰遲大
雅竟難陳翛然我亦狂吟客思殺風流賀季真

次黃州

日落放船鸚鵡洲漢陽烟白樹幽幽江豚數起浪
花夕野鶴一聲山木秋帆影掠雲過赤壁櫓聲搖
月下黃州何因散髮林臯下得似蘇仙爛熳遊

望廬山二首

扁舟夜泊潯陽岸隱約香爐五老巖紅葉天燈飛
鳥外白蓮僧社斷猿邊蒼崖影合東林寺銀漢光
連瀑布川亦有宗雷違四想千峯無路訪群仙
東林佛閣倚岩堯羅逕逶迤傍石橋松栢千章連
左蠡芙蓉萬疊倚層霄琪花雪影江心見蓮社天
香世外飄歸老倘酬仙賞願藍輿寧待遠公招
至儲潭廟留題

五老峯微楚路分
顛灘循禮洞庭君
行空鐵馬寒嘶霧
帶月蒼龍夜吼雲
瓊佩倩誰招
帝女桂漿聊復奠
靈氛清吟寄遠成
孤絕思入滄江白
鴈群

過岳州

渺渺孤舟江漢間
歲華搖落鬢毛斑
裁成方朔三千牘
博得瞿塘十二灘
峽口瘴深迷岳渚
洞庭風順過君山
無端又是重陽節
起對黃花一破顏

巫峽秋懷 三首

淅淅金風霄漢間
火雲猶自繞巫山
兩餘神女收旌旆
月朗明妃響佩環
萬頃波光人鮪甕
一天秋色鬼門關
吟魂未向三巴斷
尚逐東吳畫舸還
八陣圖連瀲灩堆
永安宮下水縈迴
風雲舊積森猶列
行在荒臺久已頽
鉄馬躍雲嘶凍雨
木牛遺恨吼驚雷
英雄一去今千載
殘照西風首重回
漢相祠西江水煙
晚風平楚送歸船
千重古錦雲端石
一帶空青峽裏天
詩思每懷秋放鶴
客心那更夜聞鶻
憑誰爲寫高唐賦
譜作朝雲蜀國絃

懷四川 二首

蜀城風物冷淒淒
馬上哦詩日向西
雪嶺冰融春水綠
錦江花落子規啼
卧龍祠廢碑橫草
杜老堂

空雨漲溪回首勝遊成往事倚風吟斷意俱迷
草堂烟樹入青霄漢殿荒臺秀黍苗宇宙詩名今
尚在風雲霸氣未全消寒星夜落支機石錦水春
明駟馬橋花柳舊遊今幾載西風蓬髮影蕭蕭

懷羅浮寄蕭鍊師

誤解蘭纓下彩峯十年飄泊厭西東秋風楚塞塵
隨馬夜雨吳江浪打篷旅邸寂寥芳歲換仙遊爛
熳幾時同羅浮此日南薰轉無數漫山荔子紅
訪單孟雄不遇

不見龍灘單孟雄欲從山蘚覓行踪門前烏柏經
霜紫樹杪青霞著日紅蠟屐定過蝴蝶洞竹門長
掩鷓鴣峯桃花流水仙源近歲晚漁郎或再逢

曾氏耆壽翁詩

詞林每憶鄉園友曾是才名動縉紳觀國倦騎沙
苑馬幽棲長戴華陽巾美蓉火足龍蟠崑松樹天
寒鶴近人天上歸來今白髮泉南水竹願爲鄰

懷萬脩撰謫遼東二首

垂老謫官瀛海上驚聞鳴咽淚沾巾長憐偃蹇難
堪俗豈信文章解悞身賦鵬幾年留賈誼懷沙此
日弔靈均無勞更用悲萍梗見說皇家雨露均

聞君遠謫三韓去，萬里天風裂素衣。
聖世君恩殊未薄，畏途吾道一何微。
金蓮炬暗梅花落，鴨綠江寒鴈影稀。
我亦漂流向滄海，相思何處不依依。

奉寄文淵學士吳公

翰苑摘文沐寵多，遙聞近侍在鑾坡。
讜言屢進分香日，直筆常濡太液波。
入相內庭稱褚亮，薦賢當路說常何。
獨憐落職東遷客，遠道西風鬢欲皤。

懷朱太史弇宋舍人璠

誰憐飄泊向江關，獨倚長風憶妙顏。
老我黃塵三楚外，羨君華藻五雲間。
清時步武蜚聲蚤，晚歲逶迤奏牘閑。
鍾阜冶城蒼翠裏，何由更得共躋攀。

懷揭孟固

弱水神仙路渺然，欲從何處問群仙。
金門正合容方朔，滄海寧當老鄭虔。
白玉堂前秋月冷，紫薇花上曉風顛。
吟菟想挹天光近，鳳尾游絲五色鮮。

懷碧虛觀寄止菴蕭鍊師 四首

安期臺下蓋珠宮，舊雨題詩紫翠中。
五夜丹光虹貫日，四山松樹鶴呼風。
雲深洞口藏金母，歲久林楓化玉童。
吟客遠遊仙子去，錦桃春晚爲誰紅。
飛泉作雨落寒岩，蓋闕凌天起翠嵐。
禹栢千年青

西齋集
卷之六
十一
藹藹充蒲九節玉氈氈天游別我知誰共世故撩
人祗自慚雲月舊盟應未冷可能相待解朝簪
平生最有滄洲趣一住三吳十二年愁逐亂雲生
隱隱夢隨孤鶴去翩翩尋真謾爾懷仙侶鍊藥憑
誰授秘編目斷南雲心欲絕祗今無計脫塵緣
前身恐是臨臯鶴長占烟霞物外交幾向滄洲乘
野艇更依蓬島結書巢千年果熟雲明樹五粒松
寒露滴梢爲報羅浮蕭羽士好開蘿逕碧山凹

思家古河

古河烟草暗南天此去鄉園路幾千燕子來時春
寂寂海棠開後雨綿綿滄江水送吟詩社綠渚花
明載酒船更憶故人王給事愁來書破薛濤箋

悶興

無奈客愁愁不醒誰憐新舍在南溟佳人花底占
烏鵲令弟沙邊喚鶴鴒庾嶺南來雲漠漠清江東
下雨冥冥幾回吟罷空惆悵謾對寒梅倒醪醑

觀海

海上蟠桃冬着花蓬壺高處敞仙家天寒霧雨籠
鮫室夜久星辰泊釣槎神女步蓮珠結鳳醉翁題
竹墨淋鴉連鰲未試任公手欲借前籌紀歲華

孫少章集 卷之六
戊遼渡海二首

天風萬里嘒洪濤驚見神峯立巨鰲紺節影搖龍
伯國繡幢光拂海鳧毛浮空員嶠隨波長繞石珊
瑚出浪高儻許從戎樹動業白頭歸路擁旌旄
清詩字字盡琅玕水底蛟龍夜起看未結柳船驅
五鬼又將蓬鬢犯三韓靈筵降夕通仙語海屋添
籌紀歲闌萬里封侯期可遂春風笳鼓入長安

渡海呈同遊

同來文章諸鉅公昔時作宦今從戎不論西蜀與
東廣共渡北海期南風將軍錦帶佩雙虎左校寶
刀藏一龍明年奏凱答神詔羽書歸奏蓬萊宮

沙門島三首

白銀堆裏湧仙臺歲晚登臨亦壯哉妖蜃吐煙成
海市巨鰲擎石作蓬萊金翅翠羽空中見貝闕珠
宮水底開凱奏北旋應有日同遊俱是濟時才
立占滄溟碧玉簪蜃樓高過百花香與來落筆才
無敵老去從戎力尚堪詩卷長年留海內夢魂清
夜繞江南綸音早晚需前席日望登萊使者驟
沙門滄洲洲上山九河碣石高巉岩雲來氣通巫
女峽月出光映藍田關宮前彩鳳駕車下祠底白

龍行兩還浴鳧飛鷺立沙際疑是青瑣晨朝班
與謝縣丞坡山聯句

幾年來作交州客今日方登第一樓謝萬頃煙波

涵碧落四山雲氣藹清秋孫瑤臺鶴駕排空下石

室丹光傍井浮謝蓬島依微天路近凌風直欲訪

丹丘孫

送董文啓出宰江夏

委珮晨看拜玉除西遊真食武昌魚王孫碧草秋

無際仙掌金莖露下初今日才名須卓茂當年詞

賦說相如登臨若對南樓月待爾買鴻寄尺書

挽李樵雲

相國靈輦闕九京桓桓松柏表佳城風雲已際興

王運雨露偏傷孝子情一代文章遺汗簡千秋彞

鼎勒勲名平原賓客今誰在獨寫椒漿帶淚傾

西菴集卷之七

七言絕句

紅菊

龍山九日宴斜曛萬朵秋香散彩雲
醉岼綸巾對芳物西風應識舊參軍

靈均且莫怨清醒楚水朝雲炫落英
宿酒未平佳節過西風吹帽最多情

墨菊

熹微衡宇露初乾九月江南動早寒
肺氣暫平新斷酒天香零落醒中看

三徑松門掩翠蘿
白鷗飛去曉霜多
天隨艇子無人共
寒落寒香柰爾何

紅梅

瑤池王母閨風西
夜晏群仙錦繡幃
月落參橫天向曙
醉騎丹鳳繞湖歸

丹青學寫壽陽姿
艷杏仙花嫩柳枝
猶記醉邀何水部
淮西歌吹舊臺池

墨竹九首

洞庭春盡水溶溶
錦瑟輕寒起卧龍
行客欲投蒼水佩
亂雲遮斷九疑峯

誰拈秃筆寫淒迷
亂石橫江碧玉低
猶記畫船泊岸
落花時節郭公啼

虹光雲影綠參差
赤壁餘艤晚更移
春雨乍晴燒玉版
鱖魚上水鰕魚肥

陽雲臺下曲江頭
一徑笙簫萬頃秋
莫向晚涼歌白紵
碧叢深處有鞦韆

秋寒萬玉倚雲青
青入君山白鳳翎
偷得雲和千載曲
夜深吹與老龍聽

昨夜春雷震楚山
籟龍驚覺錦斑斑
蛾眉老客禪心在
應化橫江老鶴還

巖上烟消見日光歌聲遙隔水雲鄉漁翁莫汲清
湘綠留取高枝宿鳳凰

澧水春陰午未消寒梢低護木蘭橈天涯風物餘
空翠應是英皇淚點飄

歲蕤萬玉曉撐風應是清溪野水東更畫接羅顛
倒着嫩涼添我綠陰中

王孫圖

二首一挾
彈一聽鳥

誰拈金彈倚青駘鞍面開元結束同好似華清二
三月綠陰籠仗入離宮

東風馳道直如絃琪樹春陰護馬韉從幸少年初
賜錦數聲啼鳥落花前

宣和樹

木翎毛

上林芳樹藹崇宣澹墨踈翎膩粉牋何似白榆棲
凍雀蕭蕭風雪浦初連

折枝桃花圖

扁舟獨上武陵溪花暗漁郎路欲迷忽見畫圖驚
二載東風憔悴一枝低

桃花白練

沅江江口武陵溪翠影紅香粉翅低爲向東風煩
寄語莫將春色到安西

楊妃出浴

浴罷溫泉體未乾，歛襟非爲玉肌寒。
胡兒一指痕猶在，只恐三郎着眼看。

楊太真對鏡圖

舞鸞金背隱清光，中有開元墮馬粧。
一線枕痕春色淺，夜來知是夢漁陽。

梨園按樂

白雪飛香玉作城，霓裳度曲按新聲。
東風吹醒漁陽夢，一段春愁畫不成。

村姬牛圖

玉環迷恨馬嵬坡，出塞明妃淚更多。
何似阿婆牛背穩，春風一曲太平歌。

昭君 五首

莫怨嬋娟墮虜塵，漢宮胡地一般春。
皇家若起凌煙閣，功是安邊第一人。

曉來羶帳理鉛華，對鏡偷憐復自誇。
如此玉顏君不顧，更從何處選良家。

閭闔龍鱗開玉陛，嫖姚馬影度旌旗。
誰憐漢道昇平日，是妾漂流薄命時。

回使殷勤莫寄辭，君王此去苦相思。
容華自昔能

傾國只爲風沙遠別離

玉顏啼淚濕胡沙東望長安不見家月滿穹廬愁
似海強將心事付琵琶

題葡萄

驪龍弄影照高秋萬斛明珠露氣浮
還憶玉人歌舞散紫駝銀甕出涼州

雜畫十首

曾記東林信杖藜遠公門對石橋西
長松月落猿聲歇羸得青山似虎溪

羅浮山水滄江曲水連清溪樹連屋
舊雨兩仙翁乘興去荔枝應過楊梅熟

溪雲漠漠樹宛宛不是三湘楚
朝川花氣曉迷桃葉渡虹光夜貫米家船

小甕松花已潑醅縛柴門子夜長
開天寒動有王猷興應放清溪夜艇回

驚濤一葉海門關秋淺吳楓未着斑
千載宦遊今省畫澹煙斜日小孤山

不見扁舟採芰荷天風何處度清歌
芒鞋此日雲門寺應是鑑湖秋水多

望湖亭倚新秋水落吳城樹色幽
何日松巢招

五老九江同泛釣魚舟

愛此名山似蜀中山如斑笋樹如龍瞿塘幾日游

渦小欲駕扁舟訪赤松

沾恩幾載入承明雲冷漁磯白鶴盟忽見新圖被

山惱欲辭簪組乞歸耕

白鷺洲前野艇歸釣魚磯上綠楊垂人間野况都

如畫柰此窮生薄祿爲

四皓圖

只合冷芝老萬山誰教鶴髮動龍顏蛾眉對酒歌

鴻鵠怨入商林紫翠間

畫梅

四首風烟雪月

游龍扶風飛上天明珠萬斛爭春妍師雄醉夢颯

驚覺羅浮月墮西湖邊

梨花香冷月陰陰青女橫陳萬玉林繡箔珠簾人

不見相思無地着春心

小國佳人窈窕娘春風環珮素綃裳千年獨抱靈

均怨夜結明璫獻楚王

仙樓十二敞春風千樹桃花似錦紅瑤水玉娥清

宴罷素鸞歸去月明中

松

雙松如蓋倚雲長
曾憶匡山問艸堂
拂石坐來龍影濕
半陂春雨茯苓香

梅

天風吹墮白霓裙
五嶺雲深路不分
千丈玉階尋步襪
碧牀香落始知君

嘗草圖

蒺藜勾吻總青青
慚愧春山草木榮
幾欲騎龍叩天闕
綠章祈雨護黃精

舞馬圖

露鬣風髯錦彩鮮
登牀胡旋更翩翩
青驃祗識連雲棧
不解啣杯獻御筵

送翰林宋先生致仕歸金華

二首

海內才名五十年
聖恩榮許晚歸田
金華父老如

相問曾是瀛洲第一仙

新賜宮衣雪色如
歸榮况及早春初
公卿祖帳都門外
人道風流似二疏

二十餘年侍禁闈
趨朝常早晚歸遲
春坊一掬臨分淚
記得垂髫受業時

門生日日侍談經
獨向孫贇眼尚青
幾度背人焚諫草
風灰蝴蝶滿中庭

千載班揚亞六經先生高步續芳聲高麗日本朝
王使長向仙班問姓名

萬丈文光北斗懸清名不獨域中傳東夷買得潛
溪集已向扶桑石上鐫

頭白勲庸列上卿君王豈是重文名朝廷禮樂新
寰宇半是先生撰次成

幾逆龍鱗進治安朝回只說聖恩寬小儒日侍絲
綸閣不得囊中奏稿看

令子內庭書制誥佳孫復作序班郎一門三代沾
恩澤更着錦衣歸故鄉

事業文章滿汗青白頭歸去世緣輕雙溪水繞長
松下只讀楞伽一卷經

紅鞋金帶荔枝花三品詞林內相家歸去山中無
箇事瓦瓶春水自煎茶

蓋世文章未是雄真純卓有古人風賜金長是沽
春酒醉殺鄰家桑苧翁

乞與山童潤筆錢歸時正及早春先玉堂分取薇
花樹種在雙溪淺水邊

玉樹芝蘭取次成小孫開歲亦能行懸燈夜讀元
朝史認得前編老祖名

不用黃牛教子孫爲儒三世受君恩却將視草堂
前筆歸去題詩水竹村

山僧野客莫相過碑板人間刻已多從此黃庭不
須讀自開池水養群鷺

榮歸詔許老山垆火棗交梨養性靈祕府圖書翻
閱盡却從方士借丹經

近欲長叅不語禪水雲飛盡月輪圓惟餘一冊龍
門子留與西江學者傳

後學無師誤少年在於貧也更堪憐聯班欲上陳
情表留取先生住講筵

華髮朱顏六袞餘還鄉猶駕軟輪車龍江關吏知
相識應止青牛乞著書

祖考榮封寵數優君王親爲制哀詞頭臨流好起雲
章閣高壓清風八詠樓

羽衣來自大江西打得旌陽鐵柱碑聞道珊瑚纏
藥石碧潭清夜老龍嘶

建業鏗殘禁漏稀九重天上早朝時玉堂清暑風
霜冷常恐先生入奏遲

鳳翥龍飛御製文人間未見墨花新恩榮獨爲詞
林重親向宮門賜老臣

孫西華集 卷之七 九
晚出金閨望故鄉芙蓉峯影月蒼蒼歸途跨得銀
鞍馬原是天閑小乘黃

寄高彬

條風吹綠滿澹溪蟻屐行春日向西獨木橋邊烏
桤樹鶉鳩飛上上頭啼

寄王彥舉

綠楊陰下玉驄嘶絲絡銀瓶帶酒携
夢入南園聽夜雨不知身在蔣陵西

寓居傅小樓懷以成

故人何處艤蘭舟誰念西窓客
滯留賴有姪娥憐寂寞流光偏照讀書樓

臨清軒題壁

思君幾日不相見特向城南問隱居
巢鶴不驚流水靜一爐香炷數編書

憶得四首

憶得垂髫少小時青燈黃卷日相隨
于今放浪江湖上一段閑情總付詩

憶得初年不解愁藥欄花逕日風流
臨池書罷黃庭帖走馬城南百舊遊

憶得栖遲泉石間衡門無事鎖常閑
日長書困南

窓下燕子驚回夢裡閒
憶得曾陪紫府仙風流儒雅與翛然夜來貪玩西
窓月花影侵堦尚未眠

龍江夜泊

蔣山山頭秋月明龍江江上暮潮生行人又是金
陵客卧聽西風鼓角聲

過揚州 二首

江上垂楊覆白蘋斜陽啼鳥斷吟魂朱樓翠箔今
何在一帶寒城鎖暮雲

垂楊白白折殘枝春盡瓊花作雪飛少日狂遊今
是夢竹西歌吹舊臺池

下邳

淮南五月叫春鳩花落清河錦浪流偏恨寂寥鄉
思裏澹烟寒月下邳州

呂梁洪

驚濤觸石雪潏潏五月河風尚作寒問訊南來荆
楚客官船幾日到淮安

聊城

雨浥頽墻草翳空魯連千載見高風愁來自撫鴉
翎箭日落登城射斷鴻

聊城見荷 二首

踈踈寒綠間天香
細雨微風澹曉粧
憶在古原山
縣裏寂寥三載負紅芳

花不成粧藕未乾
嫩紅新葉捲輕寒
官河水落南
風小不似賀家湖上看

武城

獨上荒城野日陰
絃歌千載憶遺音
黃堂皂莢成
塵土何處春風綠綺琴

過荏平望嶧山

邑敞天寒草殞青
授經誰吊伏生靈
嶮巖石刻鏤
竒古終憐沙丘混鮑腥

周公

帝子揮戈復故都
三監才畧佐鴻圖
扶危不仗蒼
髯老誰奉新王六尺孤

范蠡

已作江湖物外仙
歸舟誰遣載婁娟
娟登樓有客思
傾國幾度暗風夜不眠

伍子胥

忠言極諫起君猜
託宰讒行劍賜來
從此強吳隨
作沼果然麋鹿走高臺

黃歌

終古天心不可虧陰謀終是得傾危春申更使能
成事只似秦家昌不常

荆軻

悲歌慷慨髮衝冠上殿披圖却膽寒生劫詛盟緣
底事錯將秦政比齊桓

昭陵

萬里山河幾戰征阿爺機不見先明春城鼓吹黃
金甲肯伴藩臣奉乃兄

符堅

戰鬪爭雄國作墟離民恨不總爲魚誰云未得降
王長先向長安爲卜居

二喬

中原落日一星黃虎躍龍跳有底忙漳水鳳臺高
百尺小姑何用嫁劉郎

赤壁

百里旌旗蔽楚天黃龍青雀化炎煙可憐醜酒臨
江上正是孫郎躍馬年

魏臺

魏臺金雀舞晴空
劍閣雲烟起卧龍
詞客倚樓空

作賦不騎羸馬向西東

姑蘇臺

嫋嫋江風泛玉臺荔枝香老木瓜開蛾眉不飲盃
中酒日暮閭門野鹿來

靈岩寺

廡廊猶記館娃名照水荒臺草自青幾樹芙蓉依
水閣雨餘西子醉初醒

姑蘇開元寺

梵宮春盡落花時倦鳥猶啼竹樹枝想見風流唐
太守綠陰蒲院坐題詩

望九華山

一葉扁舟渺漠間白雲飛處九華山生來自有清
幽興每被微官誤却閑

過赤壁

樓槽炎烟舊事非留題孤壁日斜時周郎慷慨空
橫槩如此江山不賦詩

過荊州

高情長記仲宣樓醉裏臨風賦倦遊千載詞華人
似玉客船今日過荊州

巫山

巫山高高知幾重朝雲暮雨楚王宮人心對面有
巖險更勝高唐十二峯

出蜀 二首

白帝秋高木葉黃蜀中長是雨浪浪瞿塘水落漩
渦小一路看山到洛陽

雄風淅淅雨淒淒啼殺春山蜀子規江到岳陽舟
楫穩夢魂從此怯巴西

次張仲舉詩韻 四首

重重疊疊水南峯五五三三石上松釣艇蕩歸春
雨足草堂猶有白雲封

江上依稀栗里峯峯前隱約故園松征鴻盡向南
天沒不爲離人寄一封

遠遊三載別青峯見盡長思問竹松歸棹五湖烟
水濶柴門應有落花封

雲連江上九華峯露沐仙家五粒松但使風光如
畫裏余生不羨五侯封

幽居雜詠 七十四首自洪武十
一年平原還家作也

仙衣自種一池荷采采青黃當綺羅怪底邇來秋
氣早水禽飛去曉霜多

紈綺紛紛幾戰場閒身贏得水雲鄉扁舟日暮鳴

柳去付與沙鷗管夕陽

少日三吳樂事饒木蘭船上醉吹簫松風驚覺游
仙夢疑是錢塘八月潮

自別瀛洲鶴背寒石田茅屋歲漫漫梅花落樹先
春發猶自金蓮炬照看

學鍊還舟歲月遲要觀滄海倒枯時人間甲子成
何事不似山翁一局棋

偶趁新涼理釣船秋雲映水色澄鮮漁童解撒攔
江網賸得槎頭縮項鱸

淺水漁船學捨風竹竿斜着抗孤篷青蒲葉底寒
波起吹入蘆花汊港中

野老烹雞會四鄰瓦盆盛酒亂無巡風林自奏陽
春曲一日鶯聲到夕曛

遠公蓮社久相招老大無心到石橋遙想東林山
月出白猿啼處樹蕭蕭

十載山中讀道經石壇煙雨桂花生年來賣藥長
安市漸喜無人識姓名

隱去無心戀歲華惟同野老問桑麻門前莫種青
青柳怕有人呼縣令家

酒伴詩僧日見尋高歌劇飲坐樞陰雷連莫恠五

孫西齋集 卷之十
中盡賸有床頭舊賜金

高原極目浩茫茫鳥盡遙天若箇長一片夕陽秋
草地不知今古幾興亡

醉裏臨風吊屈原楚吟空賦遠遊篇凌空語意誰
能解千古惟應待我傳

試學鷓鴣物外情水雲空濶釣舟橫從來用盡無
高策浪得歸湖范蠡名

終古無名識是非百年高興子陵磯沙鷗不管人
間事細雨斜風自在飛

玉裴仙子住山椒靜夜能來不待招莫怪寒林星
斗黑野人踈懶坐相邀

長樂歌鍾醉五侯滄浪何似泛扁舟無人解得閑
中意雲蒲秋空水自流

厭看桃李媚春陽最是秋來樂意長千點黃花數
行柳幽居人道似柴桑

野吟詩句出天成景物如雲眼底生白石江頭烏
桤樹夕陽疎雨鶉鳩聲

鶴背腰纏有幾家老陶貧薄太無涯青鞋布襪歸
來好却使無錢對菊花

依山茅屋小於舟吟對風光憶舊遊平地白雲秋

萬頃五湖烟水似揚州

村醪舊甕按新筇四月蚕成麥亦收但使百年都
若此吾今於世亦何求

幽花蒲樹酒盈樽白水斜陽度曲村曾憶少陵風
雪裡也曾朝叩富兒門

惟底襄陽孟浩然蹇驢踏江天無人說與寒
梅樹只合開花暖閣邊

幽居僻類社陵家春日垂垂橘柚花花逕今朝綠
客掃磁瓶汲水自煎茶

凍露初開日暈青長松落雪報新晴茅簷聞瀑箠
驚起何處鴻門碎玉聲

野人於世本無營尚有閑功日計程篔簹竹縛梯求
密甬連宵運水搗香杭

夢覺哦詩醉後眠春來秋去總茫然山中曆日從
來少欲倩何人記歲年

本學埋名坐釣磯誰言天上客星移前灘水落西
風冷覓得羊裘不敢披

迴塘曲渚月明多遊女相呼采菱荷老去風情渾
盡減隔花誰唱竹枝歌

歸休贏得卧中林坦腹蓬頭綠樹陰非是葛巾渾

忘着邇來華髮不勝簪

垂柳陰陰護釣磯溪流盡處着柴扉時人莫用知名姓清世林泉老布衣

爲報奚童掃綠苔柴門長日便教開曉烟晴日鵲聲急應有故人天上來

勲名本不到旂常徒得烟霞冷趣長林下一瓢桑落酒誰云得及市朝香

書生元亦羨封侯經世才迂不自由萬一鶴書求

野逸素琴重到碧山幽

洪武十五年果起用

青年出仕奉明君老去投簪卧白雲千載周顒風

致在北山先自錯移文

桂樹叢生山正幽王孫歲暮儘優游不知招隱緣何事眊眊風前詠不休

約客聽琴掃石臺竹門咿軋倚風開空山日暮碧雲合天外美人來不來

卯酒初醒午夢餘南風入戶北窓虛閑身已在羲皇上到此令人悔讀書

韓子高軒不再逢草廬長倩落花封若無韜畧能匡世伏枕惟應愧卧龍

淵明千載我知音縱有冰絃不鼓琴聞說商於尋

子西齋集
綺角寂寥誰識古人心

雲本無心偶出山幽林薄暮鳥知還如何世上驅
馳子只在紅塵擾擾間

故人肥馬衣輕裘意氣揚揚得自由林下雨餘苔
徑滑免勞相過碧山幽

多才宋玉又能詩誤對清秋景物悲湛湛長江楓
樹底扁舟正可學鴟夷

最愛徜徉阮嗣宗秋懷當日賦偏工酣歌裸袒青
林下晚歲心期與爾同

容得蕭閑亦已多敢論官綬與漁簑東流逝水西
流日百歲只消如此過

雨泥琪花落蒲牀寂無人到讀書房閑中不覺春
春過靜裏方知白日長

呼龍種木豈無經瘞鶴藏書亦有銘獨對梅花寫
遺恨招魂未續楚騷聲

露氣橫山夕未晞古松枝冷鶴聲遲東林日出西
溪白正是仙翁睡熟時

欲鑄鍾期未買金斷絲寒緼案頭琴虛堂月底彈
清曲別鶴離鸞自賞音

笑殺仙源避世翁洞門猶與世人通臨流莫種桃

孫西齋集
花樹惹得春來着處紅

一自衰翁惹世詳川原錦樹歛紅霞
閑門不倩烟霞鎖都向春風怨物華

笑殺山陰王子猷凌競雪夜泛扁舟
地爐蒲着松明火芋栗香中酒一甌

梅花不解十分清香影撩人說姓名
林壑未忘居鼎鼐老枝留子待調羹

山真幽絕人稀到枰子陰涼客屢過
不見晚來傾白墮小園當柰月明何

幽幽綠樹團華蓋恬恬流泉奏玉琴
不必畫堂絲與竹自然山水有清音

黃菊花開貧不厭茅柴酒熟醉相呼
平生最愛陶彭澤風味全然似老夫

柳塘昨夜雨聲急早起春水欲平橋
放教汀草芊綿綠添着林花婀娜嬌

春酒獨酌不成醉可憐溪上百花開
花前幾日南風緊門外今朝好客來

如花女兒春柳腰高歌自駕木蘭橈
彎彎繞繞見初生月隱隱斜明第四橋

鄰屋白酒近初熟老子盡日爲花忙
將隨粉蝶聯

翻舞欲趁遊蜂上下往

不覺門外春已過只說飲酒日豪吟林花盡褪娟
娟色澗竹都成密密陰

初開草堂三五日池上鷗鷺日頻來桃花枝嫩未
堪折楊柳陰疎還更栽

江上好景莫虛度屋邊亂紅今已深不是春風相
勾引道人爭看日携琴

栢子香消晝景遲坐調元氣學希夷旁人那解玄
中意文火温温只自知

半世爲儒好自輕狂歌浪詭闔詩聲內庭消盡還
丹火傳得江湖說姓名

自入珠宮捧玉宸別招猿鶴作新鄰空林寂靜無
來客千載丹楓作老人

塵緣靜盡覺神清對月虛堂煉鶴形采得石橋花
上露研硃自點石臺經

羽步天壇禮帝居星文拱北似連珠寒雲不鎖丹
砂井一夜虹光徹太虛

煉得梅花白雪顏閑元靜夜浴金丹呼龍起種春
田玉白日山精倚樹看

蒲團靜坐思窈冥清晝只誦大洞經碧壇玄鶴忽

飛起琪花亂落風泠泠

天台二月風景新石橋流水起龍鱗美人相約看
花去雲暖洞房仙帳春

丹成八極恣神遊蓋闕風隨鶴騎秋上苑看花猶
一夢五雲回首帝王州

秋閨思 四首

天上姮娥也可憐廣寒宮裏夜孤眠早知人世相
思苦不若移居桂樹邊

涼夜簫聲處處過玉樓高起逼天河西風瘦盡梧
桐葉添得西窓月影多

璧月斜明翡翠屏水花零落點秋螢夜闌院曉垂
金鎖獨立蒼苔望帝星

踈櫺鉄馬亂風飄火冷金鳧百和銷怪底芙蓉清
漏永不知何事苦迢迢

閨怨 一百二十四首

憶初癡小嫁君時只道長年不暫離鴛被未寒揮
別淚愁來心事情誰知

都門不去亦何妨行色匆匆有底忙欲向碧桃花
樹底牽回白馬紫遊韉

別來初種小桃花艷盡今成蒲榭霞辛苦遠遊成

底事半生贏得負韶華

小園蝴蝶太愁儂作對雙飛趁曉風已逐黃蜂過
鄰屋還隨花片入簾櫳

不恨韶光似水流綠池景色自生愁門前幾樹垂

楊柳日日對啼黃栗留

即黃鸝

一段春愁未易裁百勞飛去燕飛來房櫳半掩東
廂裏幾度山櫻落復開

家住長干白下間黃頭奴子識花顏欲趁郎船者
明月寒潮惟到小孤還

青年幾許謾狂遊一種相思兩地愁早晚郎船發
楊子相迎不憚下瓜州

欲向東風訴別因四時原自不傷春薰籠靠着交
疏裏婀娜濃花惱殺人

新燒鉛粉作春紅病掃雙蛾淡復濃宮樣雲鬟巧
粧束不知愁裏爲誰容

怨殺聯翩白馬蹄遠馳夫婿路東西歸來繫在垂
楊下踏破春風錦帳泥

寄語多情燕與鶯莫勞花底弄春聲千吟萬轉知
何益空使寒閨夢不成

阿玉雙成奉紫姑自拈香炷禮仙鳧郎騎白馬歸

來自得及庭花未落無

惱殺春山怨子規風前兩裏幾淒淒如何只繞深
閨樹不向遊人醉處啼

晚思沉沉倦倚闌玉簫聲歇酒闌珊澹雲還掩初
生月誰護梨花作夜寒

睡到黃昏坐到明只緣君去沒心情常時欲寄平
安字及至人行寫未成

別眼愁容怎地看任他塵撲鏡中鴛腰肢不學昭
陽舞那作羅衣日日寬

生兒不合住京華綺陌香衢見百花雲鬢縮成村
婦樣只教夫婿學農家

翠竹陰中栖鳳凰綠蘋深處浴鴛鴦迢迢萬里巴
江水比妾春愁分外長

故國園林玉樹新路旁休戀野花春尋常世上癡
兒女只重黃金不重人

仙母蟠龍隱玉臺合歡羅帶下牀開深房內閣無
人到怎麼春風驀地來

舞女歌兒艷兩川回裙掩面鬪嬋娟那堪白馬狂
遊日正是青樓薄倖年

愁寂偏多感物華春寒故故入窓紗無端一夜東

風起吹落庭前夜合花

誰識沅湘路幾千
夢魂夜夜到君邊
春光不管愁人恨
故傍楓林叫杜鵑

薄寒猶可夜藏闌
向晚那堪獨倚樓
最是着人添懊惱
海棠枝上月如鉤

繡線針寒不待拈
金爐香燼亦慵添
月移花影偏當戶
風攪遊絲故入簾

昨夜裙腰忽褪圍
清晨蟻子繞深閨
春來吉兆頻頻見
定是遊人此夕歸

試掃雙蛾偶便成
容華今日倍分明
綠楊堤上嘶春雨
莫是吾家白馬聲

見說新隨蜀客船
亂漩渦裏下西川
還聞又向瀟湘去
偏是君山有夜猿

夜漏沉沉似歲長
小鬟貪睡懶添香
春風莫撼流蘇帳
待妾分明夢一場

接得封書妾自開
分明說與便歸來
千回枕上聽春雨
幾度階前掃綠苔

不如嫁與弄潮兒
潮去潮來自有時
誰似阿歡無信幸
說歸長是誤歸期

壓夢春愁情不醒
忽聞剝啄猛然驚
羅裙旋繫開

朱戶原是幽禽啄木聲

舊栽楊柳色氤氳千里渾忘寄一緘春鴈高飛惟
向北不知遊子在江南

腸斷閑山路轉迷房櫳風氣冷淒淒幾回愁倚高
樓望錯認行人到日西

燈不成花夢欲闌素羅衾薄掩春寒忽聞風響秋
千索夜半倉惶出戶看

雖緣遠別擾憂煎正合同心到百年莫學錢塘蘇
小小又隨人上販茶船

聞說風濤暗洞庭只將心事抱神靈一爐香篆寒
星下學誦蓮花妙法經

月斜風細亭初回日掩重門夜却開花影亂中人
影過失驚原是小瓊來

夜靜焚香禮玉娥杏花涼露濕衣羅幽情不遣旁
人解盡是喃喃細語多

聞喚飛瓊學問禪緣何於意獨涓涓未酬前世鉛
華業來結今生寂寞緣

對盤雙陸打黃金掛樹朱籠賭百禽不是愛他延
日子免教提起別時心

殘春寂寞似深秋風滿簾櫳月滿樓一捻芳心柳

子大若爲裝得許多愁

春雲莽莽欲遮天
蒲眼如雲復似烟
明月趕回青嶂外
長風吹到畫堂前

淚似花枝兩點流
愁如江上亂雲浮
淚盈方朔三千牘
愁滿瞿塘十二樓

青春桃李少年時
正好歡娛又別離
直到紅顏都去了
却來相對喜成悲

莫入襄陽與洛陽
綺羅勾引少年郎
歌樓美酒三千斛
舞榭金釵十二行

青樓曲譜怨湘娥
半是關山別意多
愁緒春來怕絃索
雪兒休更抱雲和

理得粧成坐少時
淚痕依舊濕臙脂
從今已後無心性
鉛粉常拋不要施

怨女和戎黑水河
玉環埋恨蜀山坡
佳人薄命頭頭是
比較兒身好幾多

月色花香滾滾來
不容些子暫開懷
杜鵑啼血方停舌
芍藥移陰緊上階

生來自愧不爲儒
歛手逢人念起居
空有一腔離別恨
倩誰脩作萬言書

新愁舊恨積如林
欲訴還羞復不禁
安得越禽秦

孫西齋集
吉了替人終日道勞心

兩態雲容惱殺人
虛無似夢復疑真
陳晉子建多才思
莫向江臯賦洛神

春來道是兩浪浪
却又開門見日光
欲啓朱奩看明鏡
頭風半日不成粧

對花誰與擲樗蒲
自倚危闌到日晡
愁裏漏聲遲欲咽
自傾新水入金壺

記得兒孫樂事多
女郎同唱採蓮歌
紫騮嘶入落花去
柰此空閨日暮何

過從要與善爲鄰
况復炎涼世態新
不用爲他煩惱得
阿歡原是讀書人

爲怯琵琶不忍听
龍香撥子暗塵生
東牆恠底春風過
又是鄰姬按玉箏

細展占書綉閣前
不知速喜定番連
憑誰斷得郎歸日
願與金釵當卜錢

遙天月暈一環紅
明日商量定起風
想怕玉娥心緒亂
故教攔住廣寒宮

已許紅絲繡鏡囊
更饒金粉拭清光
鏡中神聖知人意
托夢兒家白馬郎

別意空憑遠信傳
幾回臨起復纏延
天長白馬相

將去知在南雲若箇邊

黃昏也待睡些些月影撩人故故斜簾幙數重花
萬疊愁來只是不能遮

畫籠鸚鵡日啁啾自與離人替說愁戲擲枇杷打
金羽兒夫去後憶奴否

世錄文星苦不齊我辰生處直孤栖大都離合原
閨命錯怨車輪與馬蹄

朱簾落索掉簾鈎日裏枉風夜未休花底過來吹
蠟燭也如人淚一般流

愁裏飛花一夕空寸心無奈倩神通閨闈不省文
王易卦落誰知吉與凶

便擬招魂誦楚詞何緣生別故遲遲臨風試學巫
陽些偷把寫釵掛竹枝

春宵誰道直千金妾獨愁多思不禁花月只消長
惹恨管絃惟有更傷心

昔聞仙客好幽棲除却清齋醉似泥生世不諧遭
遠別妾身何異太常妻

百年夫婦本同心舊愛新憐夢裏深料得君非題
柱客枉教人賦白頭吟

少日雙眸炯動人倚風回顧頰生春無因暗滴相

思淚減却秋波一半神

午夢驚回是兀誰阿奴偷捻紫簫吹寒聲未斷腸
先斷怨曲將成淚已垂

過眼年光總是愁嫌春春去淚還流荷香柳影裏
涼夏月色蟲聲冷淡秋

碧草初看上玉堦飛花又見點蒼苔年年好景乖
人願懷抱何時得少開

繡閣朝來興頗新試拈錢卜問歸人花言巧語梁
間燕舊館新粧鏡裏塵

怯雨愁花過一春嬌嬈半是女兒身朝來逐伴闌
百草門外天風吹倒人

玉臂無人點守宮戲拈花瓣貼春紅香痕忽被風
吹落彷彿逢君是夢中

一從君去負芳春幾歎容華悞妾身也似崔微啼
別後蕭條不及巷中人

供佛清齋折露葵課經時繞白蓮池雲鬟祗欠金
刀剪頓是山庵苦行尼

班姬紈扇奉餘恩蔡琰胡笳墜虜塵此命一生如
紙薄好和孤妾是三人

夜雨偏傷獨睡情芭蕉點點助寒聲分明隔着窓

兒紙直向心頭滴到明

村巫市媪莫相過聞汝深中術數多心似後園金井水從來不會起風波

採桑隨伴出城隅不謂途逢使者車錯把明粧照壚落賺他駐馬久踟躕

年少離家志未堅閑雲騰雨滿江天舟行若過巫山渚莫向蓬窓白晝眠

枉控朱簾十二鈎一身何用許高樓桃花流水隨郎去只學漁家住小舟

寫得鴛箋數十言緘成不寄淚如泉瑤池欲倩西飛鳥帶到湘靈錦瑟邊

窓紗雲影竹梅霖冷蕊香疑案上琴幾日生疎絃上手愁來無地着春心

心如金鈿只須堅歸早歸遲總信天錯聽幾聲簷外鵲朝朝江口望郎船

高堂朝夕奉姑嫜冬裏溫湯夏扇涼不是西山春日薄只拋孤妾亦何妨

悞透單居一味禪丹光如月靜中圓人間若有蓬萊島也合乘風作女仙

無非祗爲隔關山若箇牽纏久未還二十五程荆

楚路順流江水霎時間

臂上紅絲錦作符竈前香火玉爲爐無人爲起凌

烟閣畫作紫姑仙女圖

欲掃鴛鴦寫綵雲惟將心思怨夫君蜀山花竹湘
潭兩杜宇春深獨不聞

婉意柔情似海深却將離索負光陰村姝野媪無
風致也解團欒怨景砧

青草湖邊日欲西黃梅雨裏鷓鴣啼江南氣候春
來惡莫聽寒聲助悽悽

生兒豈免涉江湖身世無成恥故鄉人事由來多
錯忤知君不是故相忘

遠路迢迢水隔天流光冉冉箭離絃惟應自築青
陽室學煉還丹駐少年

薄命真成枉嫁卽嫁來三載守空房鳴鳩語燕皆
求匹秋菊春蘭各自芳

翻羨南鄰賣酒姬近來嫁得在家兒何常蕩着風
波性步步相隨不暫離

金屋長年貯阿嬌好教虛度幾良宵尋常未嫁人
家女也向深閨怨寂寥

楚水吳山萬里餘兩年方見一封書都來費得鴛

箋紙何處春江無鯉魚

偶弄青梅凭短牆誰騎白馬傍垂楊撩雲潑雨來

相擾不是巫山窈窕娘

洞庭暮雨起春波翠旆金旌帝子過遙想泊舟明

月渚夜深歌枕聽雲和

放着南來北去舟江波不住也東流良人解得西

歸日可道相思到白頭

濯錦江邊楊柳條浣沙兒女詫裙腰子規啼罷春

花落遊子青驂萬里橋

瞿塘猿聲天上哀白帝城下水如雷百指漩渦人

鮒甕莫着卽船八月來

人鮒甕在歸州

湘江兒女單紵衣娥皇廟前歌竹枝春來只會閑

相惱不管人家有別離

客程愁兩復愁風君意憐儂却忘儂把似相憐不

相忘只消那轉馬頭東

歲歲年年君去家年年歲歲樹開花年年君去無

消息歲歲花開感物華

寂寂寥寥紙半張嗟嗟嘖嘖淚千行言言語語空

相憶苦苦頻頻更寄將

別恨過於別緒濃背身斜着倚東風庭前徧是春

花樹樹樹花開枝上紅

對月臨風不自由都緣觸景便生愁春來總是相思夜夜夜相思月滿樓

暗卜街頭好幾回連連去語道來來當樓素月明於練一任房櫳徹夜開

靈鵲朝來噪屋山奚童先背錦囊還銀鞍隱隱穿青柳珠淚滋滋濕玉顏

春鉛數日不曾施貼翠塗黃只半時爲報小環休寫月且教留着澹雙眉

相逢錯愕喜傷神臨到相親且未親清夜已涼猶秉燭對君疑是夢中人

執手翻成喜極悲到來嗚咽淚沾衣流此去去不相待落盡春紅君始歸

去年記得打春牛夫壻歸來上翠樓醉把春泥揮綵筆引教春色上簾鉤

訪某附馬不遇題壁

青春附馬不還家公主傳宣坐臥十二碧欄春似海隔窗閑殺碧桃花

關門書所見

隱隱旌旗颭落暉方山遙望錦城圍平蕪一帶香

孫西本集 卷之八
塵合知是諸王射獵歸

五言絕句一首 臨刑口占

鼙鼓三聲急。西山月又斜。黃泉無客舍。今夜宿誰家。
明興雜記云。高皇誅藍玉。籍其家。凡有隻字。往來皆得罪。黃因與玉題一書。故殺之。此詩乃絕命詞也。高皇問監殺指揮。孫黃死時何語。指揮以此詩對。高皇怒云。彼有此好詩。汝乃不復奏。而殺之何也。竟殺指揮。郡邑傳。皆謂黃死以梅思祖。非藍玉。豈雜記別有考與。今頌此詩。黃可謂一死生。而高皇亦憐才矣。鑑識 卷之七終

西菴集卷之八

七言集句

朝雲

庚戌十月。余與二客自五仙城泛舟遊羅浮道。出合江訪東坡白鶴峯遺址。還艤舟西湖小蘇堤下。夜登棲禪寺留宿精舍。時薄寒。中霜月如畫。山深悄無人聲。二客醉卧僧榻上。余獨散步東廊。壁光皎潔。若雪。隱約有字。急呼小童篝燈讀之。字體流麗。飛動似倣衛夫人書法。詩凡十首。皆集古語而成者。其一曰。家住錢塘東。復東偶來江外寄行踪。

三湘愁鬢逢秋色半壁殘燈照病容
艷骨已成蘭麝土露華偏濕
蕊珠宮分明記得還家夢
一路寒山萬木中
其二曰妾本錢塘江上住
雙垂別淚越江邊
鶴歸華表添新塚
燕蹴飛花落舞筵
野草怕霜霜怕日
月光如水水如天
人間俯仰成今古
祇是當時已惘然
其三曰三生石上舊精魂
化作陽臺一段雲
詞客有靈應識我
碧山如畫又逢君
花邊古木翔金雀
竹裏香雲冷翠裙
莫向西湖歌此曲
清明時節雨紛紛
其四曰東望望春春可憐
江籬漠漠荇田田
遶籬野菜飛黃蝶
糝徑楊花鋪白氈
雲近蓬萊長五色
鶴歸華表已千年
夢回明月生南浦
血染成紅杜鵑
其五曰浮雲漠漠草離離
淚濕春衫鬢脚垂
秋水爲神玉爲骨
芙蓉如面柳如眉
鍾隨野艇回孤棹
蟬曳殘聲過別枝
青塚路邊南鴈盡
問君何事到天涯
其六曰身前身後事茫茫
惱斷蘇州刺史腸
袿帶玉環歸後洞
君騎白馬傍垂楊
鶴群長遶三株樹
花氣渾如百和香
慚愧情人遠相訪
爲郎憔悴却羞郎
其七曰孤月無情掛翠巒
金爐香燼漏聲殘
雲收雨散知何處
鬢亂釵橫特地寒
去日漸多來日少
別時容易見

時難明朝有約誰先到青鳥殷勤爲探看其八曰
杏花踈雨立黃昏金屋無人見淚痕短髮欲星愁
有効此身雖異性常存閨門不鎖寒溪水環珮空
歸月夜魂倚柱尋思倍惆悵夜寒皺玉倩誰溫其
九曰萬紫千紅總是春登臨一度一思君舞低楊
柳樓心月香溫梨花夢裏雲風景蒼蒼多少恨陰
蟲切切不堪聞思君今夜腸應斷書破羊欣白練
裙其十曰零落殘雲倍黯然一身憔悴對花眠南
園綠草飛蝴蝶落日空山怨杜鵑天若有情天亦
老月如無恨月長圓此聲腸斷非今日風景依稀
似去年其後復書羅浮王仙姑月夜過此有感而
賦予驚曰此非仙語乃人間意態也方欲再諦視
而燈爲北風所滅晦林木浙瀝作山鬼聲予毛髮
森豎不敢久立即還室掩戶踉蹌而卧夢一美人
上衣紅綃衣下繫荷絲裙從花陰中來年可二十
六七竒葩逸麗光奪人目風鬟霧鬢颯然淒冷殆
不類人世中所見者彷彿若有金支翠旌導從其
前後隔水先聞歌聲似吳人語予側足傾耳竦身
聽之則悠揚宛轉欲斷還續半空松栢作簫笙聲
助其清婉而蜚蛩唧唧爲之擊節其詞曰舞衫歌

扇舊因緣萬事傷。心在眼前雲物不殊。鄉國異天。
桃窓下背花眠。烟籠寒水月籠沙。誰信流年鬢。有
華燕子。啣將春色去。夢中猶記詠梅花。青山隱隱
水迢迢。客夢都隨歲月消。惟有別時。今不忘水邊
楊柳。赤欄橋。杜陵寒食草青青。長誦金剛般若經。
雨冷雲香。吊仙客。夢中同躡鳳凰翎。遠水寒山石
徑斜。宮前楊柳寺前花。紅顏未老恩先斷。莫怨東
風。當自嗟。與君別約記杭州。山外青山樓外樓。屈
指別來。經幾載。愁心一倍長離憂。旅館寒燈獨不
眠。湘波冷浸一枝蓮。何時最是思君處。月落烏啼
霜滿天。欲寫愁腸。媿不才。依稀猶記妙高臺。問余
別恨。知多少。巴蜀雪消春水來。紫烟衣上繡春雲。
一樹繁花對古墳。辛苦無歡容不理。半緣脩道半
緣君。春愁冉冉帶餘醒。珍簾銀床。夢不成。知子遠
來。應有意。酷憐風月爲多情。光陰卒卒一飛梭。
怨入東風芳草多。舊枕未容春夢斷。秦霜楚雨暗
相和。○身前身後思茫茫。秋菊春蘭各吐芳。慚愧
情人遠相訪。爲郎憔悴却羞郎。○歌已復續拗體
詩三首。○白袷玉郎寄桃葉。金鞍駿馬呼小妾。翠
眉蟬鬢生別離。南園綠草飛蝴蝶。○野棠開盡飄

香玉細柳新蒲爲誰綠。忽忽窮愁泥殺人。逢人更
唱相思曲。○瞿塘嘈嘈十二灘。遶船明月江水寒。
欲隨卽船看明月。遊絲落絮春漫漫。○其聲哀而
不傷。怨而有容。亶亶而不窮。如孤鳳之鳴梧桐。雌
龍之吟水中也。歌闋予不覺泣下。亟趨見之。環珮
瀝落。餘音猶泠然。異香馥郁。襲人沁入肌骨。含涕
作羞態。已而謂予曰。君知妾之來意耶。妾乃錢塘
歌者。眉山蘇長公妾也。公昔南遷。諸侍姬皆雲鳥
散去。獨妾結衣從之。巾櫛之餘。吟弄筆墨。粗識其
風致。晚得泗上比丘尼教誦金剛釋典。頗誤佛法。
今淪落於茲。無所復恨。但幽情婉意。鬱鬱無相知
者。方將鎔金而鑄子。期買絲而繡平原。江波悠悠。
歲月延佇。君富有文米。思如流泉。獨弗能吐胸中。
華藻少慰妾之岑寂。耶。古人有云。心誠同。隔世通。
不投機。促膝離千載。而下君之情。思惟妾知之耳。
言訖。倏忽不見。予亦驚覺。莫察其由。詰旦尋壁間
字。已漫滅不可復辨。詢之寺僧。則曰。寺南有王氏
朝雲之墓。今數百年矣。君煮蒿悽愴。時露光景。豈或
其餘魂也。耶。予爲怛然自失者。即日既陳椒漿。酌
之。復竊高唐洛神之意。爲詩用紀其事。凡一百韻。

悼粉香之零亂。寫溟漠之幽姿。纏綿悽惋。宛然思婦呻吟之聲。非獨以慰朝雲。亦聊以自悼云爾。○
思斷蘭臺路。愁填濯錦川。前塘清楚會。金谷狹斜。
聯少負傾城譽。名居弄玉先。十三工寫月。二八擅
韶年。束素宮腰怯。凝脂國色鮮。倚風楊柳弱。炙日
海棠嬌。跳脫鬆龍腕。琵琶重。安有塗黃勻。漢靨安
馬破。秦鉛綠水酣。潘岳紅顏惱。董賢流霞紅。錯落
嬌燕掠。鞦韆舞壓梨園社。歌翻樂府編。彩雲生袖
底。璧月墮樓前。鏡掩三星曙。春隨五馬韉。青樓亂
女伴。瓊珮挹詩仙。蠟炬催傳賜。烏絲待草玄。娉婷
驚世外。風度蓋唼邊。霜撲果。魚盡陰橫粉。署埽送
鱗天。咫尺垂翅路。三千黛減蛾眉翠。筆斜蜀國絃。
武林牽北望。庾嶺入南遷。白鶴峯千尺。黃茅屋數
椽。練裙參般若。彤管榻張顛。蜜鯽調蘇合。邊爐滄
海臙。斷霞丹荔嶼。晴雪素馨田。妾命真成薄。卽行
底。未旋塵蒙纓。落串珠。躡步挫鈿。往事腸堪折。殊
方瘴莫痊。娃童占吉卜。鄰媪訪沉綿。楚峽深秋氣。
羅浮澹曉妍。巫陽招古此。卞女泣新阡。海氣籠翹
鳳。嵐光濕鬢蟬。封囊留粉恨。長帽斷塵緣。隴樹含
悽綠。經文帶淚鐫。雪兒低鶴馭。雲母凍龍涎。桃葉

僧前渡梅花夢裏天蛾旋三昧火鷄吊六如禪入
道應偷藥凌虛想步蓮浴蘭衣靜土遺珠贈靈茶
天路雲和峭瑤池脉望圓迴鸞珠斗沒鷺鵲玉繩
編木落山精笑苔平石獸眠香雲啼子夜慧魄悶
重泉絡緯停寒索飛簾捲夕旃譜餘蘇小曲書暗
醉濤箋亂緒粉團結新知永棄捐屏幃空孔雀衿
繡冷文鴛清吹群真下叢林積水連幽巒螢擾擾
舊業草芊芊巴舞陳椒醕吳歛裂楮錢霓裳飄蜀
兩班竹點湘煙暮雨從渠濕春水敢自堅縞衣迷
故國華表豎層巔白紵行人唱銀缸榜舍懸芙蓉
羞爛熳蛺蝶舞聯翩繡壤遮王媼鈎欄鎮阿甄紅
顏多蹇劣清涕莫潺湲在世誰非幻鍾情我獨憐
微生同坎壈幽思久婵媛禁闈初通籍儒林早備
貞詞華暈五鳳幃幄飲三鱸眉月端如畫丰姿美
且鬢鑿坡披奏牘馳道輕飛駭雅譽傾詩筆清流
冠吏銓賓筵陪有客羽獵賦于畋綺席延枚叟蒲
車屈鄭虔天顏却下顧雲路快高鶩昔似冲霄鶴
今如跼水鳶九關嚴虎豹平楚落鷹鷂拜命沾三
宥歸耕困一廛壯心徒激烈長袖幾翩翻倦泛張
騫梗虛響李廣弦古苔封片石荒樞卧雙驥草爰

臨丹卷柴扉枕碧連奚重開雀網穉子縛魚筌白
石潘郎髮青燈子敬氈哀箏開綠蟻雄劔搏烏隼
雨露從枯稿山林且靜便朝真探玉訣觀妙解名
詮丹鼎團龍虎玄龜下澗漣屋頭杉隱隱庭下竹
涓涓薜荔裁秋服楓香當晚饅閑元存太乙文火
養純乾七夕邀金母三山候倭倭醴泉清似玉瓜
棗大如拳老去渾無賴憂來獨惘然有懷通及素
何計索筵尊孤况憑誰問冲襟待子宣蓮飄知意
苦藕斷識絲纏慘淡黃姑渚玲瓏織女躔交踈期
屢爽謀拙去何遑畫餅文章貴嬰兒造化權寧勞
褰短褐端合掩真詮病骨相如在勞心宋玉傳韓
憑春寂寂杜宇月娟娟邂逅時將晚淹留景莫延
流星光睭靄雄電動連蜺艷態千秋隔羈腸百慮
煎錦蕤空薄幙絳節映重淵洛浦凌波襪西湖菴
畫船佳人不可見長誦法華篇

琪林夜宿聯句一百韻

歲六月余還自鍾山與王河東佐尋真郡城琪琳
因寓宿東偏之得閒亭亭蓋蕭鍊師之所築去藥
闕三十餘步軒敞清僻遠脫凡境前有茂林嘉卉
竹柏之屬野意藹藹是夕夏之望後石油風節三

日澍雨初止星月明朗河東與余焚香瀹茗共語
疇昔因思年十八九時承先人遺澤得弛負擔過
從貴游之列一時聞人相與友善若洛陽李長史
仲脩鬱林黃別駕楚金東平黃通守庸之武夷王
徵士希貢維揚黃長史希文古岡蔡廣文養晦番
禺趙進士安中及其弟通判澄徵士訥北平蒲架
閣子文三山黃進士原善皆斯文表表者也共結
詩社南園之曲豪吟劇飲更唱迭和翩然翥鸞鳳
鏗爾奏金石而河東與余爲同庚情好尤篤歡會
未幾殷憂相仍城沿兵火朋從散落河東與余折
袂奔走邈不相見凡十餘年乃幸前左轄寶山何
公恢復茲郡開署求士而余二人首被禮接因偕
從軍西征談笑油幘方甦離索之氣而倥偬又告
別矣茲焉時平嶺堯清奠余二人者乃復遇于此
悵然思痛潛然涕零晤然顧懷猶以爲此身之尚
在夢寐中也於是相與披寫情愫聯爲韻語肺腑
滂沛莽不知其繁冗人之初生其本無謂庶庶一
形之累鼎鼎罪百年之間忽焉而蛟龍翔倏爾而蚓
蟻伏將造物者欲賦人以智慧而勞之耶不然何
向來哀樂遷變若是其多也故於終篇遂有御風

遺世之意蓋亦昔人所謂無聊之際而托之以自
擴者詰旦因書二通其一以遺觀長黃翁其一以

寄羅浮蕭鍊師云詞曰○紫府黃金榜玄閔白玉

京偶尋方外侶佐因識靜中情夕景低崇闕黃秋

光澹列甍宛聞天籟杳佐渾覺世塵清縹緲群真

下黃森羅萬象呈勾陳聯上界佐析木近前榮竹

炫湘川葉黃荃楊楚畹英旛幢行道影佐環珮步

虛聲桂露光蟾濕黃松濤鶴夢驚古囊緘綠綺佐

陰壁倚蒼精淨几從容凭黃佳篇取次賡奚童鬢

髮秀佐仙客整衣輕頓使心期曠黃從知境界宏

堂因眾妙扁佐軒以得閑名宴坐咸嘉會黃興言

憶舊盟丰姿初得覩佐懷抱即相傾友誼芝蘭契

黃文聲鉄石錚鄉關雖異縣佐年齒幸同庚才邁

誰能匹黃情親我所兄長遊期楚蜀佐任俠擬幽

弁雅結南園社黃往為北郭行山風紅苾撥佐野

日錦繁纓博帶皆時彥黃高筵即上卿柳塘時睡

鴨佐杏圃暖啼鶯南內霓裳曲黃梁川鴈柱箏風

流追謝眺佐俊逸到陰鏗刻燭催長句黃飛籌促

巨觥歡娛隨地有佐意氣札霄崢樂事俄成夢黃

憂端忽謾生秦樓絲管歇佐越嶠鼓鞞興培塿封

系西... 卷之八

屯蟻蕒滄溟吼怒鯨孤城尋劫火。佐萬姓轉饑阮。
奔走羞徒步。蕒艱危學避兵。彭衙愁杜甫。佐戰國
老侯羸。袖貯生毛刺。蕒家餘折脚。鐺嬌嬰。須橡栗。
佐鄰姬遺蔓。蕒舊綉裁新。褐蕒寒燈翳。短擊苦心
灰一寸。佐吟鬢雪千莖。養志悲華忝。蕒傷時賦伐
櫻草玄供寂寞。佐居素保幽貞。世態何多易。蕒人
情實飽更駑駘。先歷塊。佐嫫母妬傾城。康瓠迷周
鼎。淫哇亂帝。詠含沙叢毒蠚。佐觸氣捷飛。蝨默處
憂心悄。蕒傍觀怒目。瞠猛然思奮迅。佐鬱爾困拘
縲。旅邸榮枯枕。蕒秋棋黑白。枰正懷三月。弔佐復

有二天。併左相通書。速蕒群僚倒屣迎。劇談勞過
許。佐吾道賴。遘亨。楚楚紅蓮幙。蕒團團翠柳營。前
矛瞻白羽。佐後勁擁玄旌。尚想從軍樂。蕒深慚待
士。誠價酬千里。駿佐食共五侯。籍祖述心何壯。蕒
陳琳伎善鳴。聞雞三尺動。佐倚馬萬言成。勳業祇
如此。蕒行藏莫重評。島夷新版籍。佐煙雨舊柴扃。
鳳曆頒洪武。蕒鴻圖啓大明。包茅輸禹貢。佐卉服
入周正。黃道三台正。蕒蒼穹八柱擎。文臣登稷契
佐武將拜韓彭。恢拓神應助。蕒提封孰敢爭。大荒
空朔漠。佐平楚路。揜搶閩土妖氛淨。蕒鍾陵王氣

橫隆恩光岳瀆佐至禮慶宗彷彿虎分環衛黃蛟
龍對棋楹河沉漢后壁佐廟列呂公璜交趾來馴

象黃雕題進語鸚堪輿欣有戴佐師旅遂無征邊
翰開華省黃名臣秉重衡遠猷資上士佐深惠洽

疲氓自念予生息黃于今覩治平屠羊安返肆佐
買犢事歸耕粟里山無數黃桃源水一泓墾田先

種秣佐結屋便株蔓故作深林隔黃還從曲港縈
風蘿徠疊疊佐雲木鳥嚶嚶徑狹交平仲黃洲迴

接杜蘅斷崖歌削鉄佐懸瀑碎飛瓊冉冉松吹粉
娟娟筍脫綳草寒愁格磔沙霽喜鷓鴣漁網溪童

結黃禾船稚子揮物情俱自得佐吾意豈求羸藥
裹從堆案黃書籤或滿棚繩床低窄兀佐石鼎小

彭臍隱具家粗足黃閑工日計程梯岩探野蜜佐
堰水搗香杭紫黃斲蹲鴟芋黃紅收薦蟹橙缺籬添

補竹佐荒圃膳移榿陶令茅柴酒黃東坡骨董羹
任真形放浪佐坐懶髮鬢鬢更學丹砂訣黃長離

世網嬰御風求抱朴佐縮地候茅盈綺食青精飯
黃茅紫石瑛凌虛朝日表佐觀化睨天精黃蠶

哀群動黃飄飄隘八紘瑤池傳鳥信佐綠嶺度鷓
笙弱水秋初淺黃清都夜正晴黃蕭蕭羽士徒來

此共蓬瀛蕢

西菴集卷之九終

西菴集卷之九

文

祭竈文

洪武戊午臘月下澣二十有四日玄陰告晏景翳
虞淵雲歛高漢斗斜孟陬室壁有煥孫子徙倚南
軒弭節寄傲女流喧譁方夜祀竈詢其所由則進
對曰今茲之夕逼迫歲除竈神趣駕入覲清都紀
人善惡上達帝居宸旒翼翼有嚴走趨文昌桂籍
廷尉玉符雷師鼓筆太乙啓書疏名某某以定賞
誅五儕小人職主中饋瓢長杓短米賤鹽貴奴婢

笑嗔雞鳴犬吠柴荆狼藉毛血腥穢晨昏歲時多
負罪愧匪神包容恐獲罪戾霓旌戒路蓋闕洞開
角耀黃道符平太階東井振鐸良風徐來飛廉前
導列缺後推爰羅酒漿亦進籩豆餠糖馨香菜果
鮮茂鶩鴨全牲糍糕美糗飲神醉飽楮鏹爲壽口
甜舌其便利進奏矜怒愚頑庶蒙曲覆孫子曰嘻
有是耶盍早語余鬱陶余衷久欲上訴倘因神明
得列其故於是拂裳正巾屏息凝顧仰天叩頭望
竈進步數欽陳詞神聽無怒惟神名列五祀德具
五行功存既濟位配離明調和鼎鼐烹飪穀蒸翁
忽變化惟神之能司人之命實託死生老幼於
惟神是憑其在孔經于夏有事迎尸奧堂儼若禋
祀非時媚瀆祀諂違義臣之於神其缺畧也多矣
茲者乃聞神以歲終將入述職上天明明考績黜
陟送行餽贐神所不斥少君之詞神憫其癖王孫
之諷神怒其激神寬以仁好是正直稱觴表誠并
獻臣臆臣少薄祜零丁羈孤佩服先訓忝名爲儒
遠祖顏孟近師程朱立志不群抱道匪渝弘深典
謨詰屈盤詰連山歸藏卦象精到群葩分敷列宿
穹昊騷怨而響莊荒而傲班範旁通荀楊曲造昭

彰隱微洞徹突奧懸燈墻壁蓄火爐竈詰朝喃喃
達曙叫噪臣之於讀書可謂勤矣靈臺丹府性之
郭郭微猷懿行人之天爵湛然內觀秋月灼爍
然外和春靄林薄雲影天光鳶飛魚躍浮烟歛散
青山猶昨軒庭兩餘草色如濯臣之於性理亦畧
通矣發舒蘊積學為詞章文擗藻繪詩詠鳳凰韓
筋柳骨玉潔金光鋪天炫耀擲地鏗鏘鸞堂鳳閣
冠冕琳琅綠窓青瑣粉艷蘭香閑雲野水慘淡微
茫牛神蛇鬼百怪千狂曹劉錯愕董賈回惶海若
宵哭山精書藏臣之爲文可謂有成矣荒雞一鳴

播水道常趨蹌堂庭問候安否歲時伏臘親姻具
有既慈妻子復愛朋友切磨童稚理義盈口恩養
輿隸食均衣厚浮雲市金不羨玉斗峻節清霜寧
斬雍牖臣之於內行可謂無愧矣恭承嘉澤惠此
眇軀天庭冠玉地角秀鬚衰衣魏冠玉佩瓊瑤周
旋步武規矩不渝臣之外貌可謂不俗矣英英其
貌濯濯其儀身長七尺六寸有奇人不識字臣吐
珠璣人不能言臣如填麓識雖固陋不爲無知材
雖朴鈍亦足有爲行逢羸餓如箭入肌嫉視奸邪
眼火發輝思展抱負試于清時朝登金門暮集鳳

池致君堯舜還俗雍熙臣之立志可謂康廓曠絕
而不凡矣然而時命大謬進退惟鞠圖封得黥獻
璞遭辱山非太行車折其軸水非瞿塘舟破其斛
陽和徧地不被槁木赫曦流金不照洹谷叨領鄉
薦頭彎工局佐令淮陽塵隨馬足一入詞林旋罹
斥逐之官濟上還尋治獄對欵臺端拘繫瑟縮論
輸左校親忝板築猶賴仁恩得解桎梏餘生幸存
殘喘僅續委頓風埃顛連水陸越山之陽瘴海之
曲荆榛爲門茅草爲屋寒衣結鶉饑飯脫粟嚴冬
露肘稔歲朽腹心摧意沮魄畔神促覲顏細君取
笑僮僕撫跡如此何賦予之酷與臣聞氣運之塞
有時而通居若尺蠖奮若冥鴻相彼萬類天無不
容鼠安于穴蟻樂于封蒺藜膏雨勾吻春風鄙瑣
齷齪飽鮮醞釀絲粟么麼曳紫紆紅不論巧拙祇
繫其逢臣獨何人坐此困窮今臣年甫不惑未踰
知命寒心雖灰宿志猶勁威如怒彪氣如炊甑寧
甘溝壑殞絕其性嗟來可食蒙袂斯病焚山可出
抱樹非正舖糟噉醜刻彩埋瑩與時推遷乃道之
聖臣欲抑氣變志改轍更絃毀裂冠冕焚棄簡編
鄧林擲槩麗水投鉛言歸軟美步習輕便突梯婉

變媚俗稱賢。左擇豪曹右挽繁弱。臣學班超建功
大漠。萬里開邊。三時錫爵。揚威玉關。圖畫麟閣。黃
金璀璨。白玉輝煌。臣學齊奴起第。洛陽朋遊滿座。
女艷成行。雲攢綺轂。鼎沸笙簧。綠績蒙頭。蒼鷹在
手。臣學董賢徜徉花柳。登塲鬪雞。擊鞠賭狗。結交
醉徒。終日飲酒。白虹貫日。黃霧塞空。臣學五侯同
日受封。車如流水。馬如游龍。氣凌七貴。坐壓三公。
載膏其轅。載秣其馬。臣學李長徧歷天下。楚水秦
山。燕都越野。狂遊縱觀。胸次披寫。龍蟠丹鼎。鶴唳
紫煙。臣學方朔去爲神仙。日邊蓬萊海上樓船。憑
凌八極。瞬息千年。撥車叅禪。含光蓄耀。臣學達摩
靜觀衆妙。天垂寶花。日麗靈霞。塵空道成。萬古疑
照。盡以臣之勲業。束置高閣。回舟洙泗。輟棹關洛。
望罷伊周。結交管樂。放意舒顏。解粘釋縛。逍遙爲
城。浩蕩爲郭。滔平大荒。亦孔之樂。天鑒伊邇。必從
臣求。神明有靈。可達此否。下民之疾。上帝之憂。神
之聽之。無作神羞。言訖再拜。俯伏俟命。潛心默存。
側耳靜聽。時夜將半。霜露淒淒。勾陳影轉。析木光
低。缺月入戶。靈風振幃。車從雜遝。若神來歸。恍惚
夢寐。有告余曰。嗟爾來前。帝有德音。爾其聽之。周

敢弗欽帝聽爾詞。懇至悽惻。金童嗟嗟。玉女嘖嘖。爾詞雖苦。運則未通。身若泛梗。意如飄風。凡民之生命。各有定祥。灾吉凶順。受其正貴。賤脩短。莫非自然。枉道妄求。徒取咎愆。盜跖之壽。顏回之夭。交錯紛紜。非爾能曉。匪仁莫據。匪義莫依。此爾之分。爾其安之。爾雖不豐。亦未爲薄。遽廬夢中。獨爾先覺。醯雞螻蟻。所得幾何。爾於造化。取適已多。豁爾殷憂。弘爾高識。配以大中。以受多福。言訖更窮。去影遄息。予起拜命。服之無斃。

詞

關敏廟詞

風英英兮龍堂海窈影兮雲流芳蜀椒佩兮越紵裳中牢殺兮交桂漿新宮戔戔兮侯故鄉侯船來遲兮我心傷忠零連兮既展困群氛兮未遠采青菱兮驚波延素月兮烟苑以身易名兮樹此孤蹇哀如飄風兮山宿之顯枇杷青兮金斗黃千秋萬夏兮侯食此邦雲旌旗兮雨干將佑正直兮誅姦狂臯歸乎來兮噫侯可忘。

飛仙歸來詞

武林朱以方隱居好詞章奇尚嗜古之士

也寓越之河陽作亭樹以竹木畜胎禽三
數群玄白輝映旦放于海山之曲暮則揮
白羽扇以招之題曰招鶴軒予惜其有聲
無文故爲作飛仙歸來詞以助其嗥呼之

音詞曰

飛仙兮歸來無徘徊乎臨臯蜀江雪落灘嘈嘈潛
龍起舞風怒號霜明赤壁山月高瓊瑤仙翁夢魂
芳飛仙兮歸來無容與乎青田春龍破玉耕紫煙
群仙環珮聲鏘然思乘逸轡盤九天羽衣不得長
踰躔飛仙兮歸來無留戀乎高軒華衣魏冠多禍

衍漳河之水流潺湲商都綠草生芊綿崇居廣廈
不可以久延飛仙兮歸來無嘹唳乎華亭琳琅金
薤慚世英文章錦綺身後名終古白壁多青蠅三
吳雲間不可以久寧飛仙兮歸來無浩蕩乎遼海
離家一去三千載蜃氣罡風晦文采華表凌寒欲
誰待城郭如故人民改飛仙兮歸來歸翱翔乎餘
杭武林水綠山青蒼海潮八月來錢塘潮頭白馬
神龍驤西湖海風菱芡香三高琪樹可以棲玄裳
飛仙兮歸來歸同隱于越山臨清屠蘇雲半間晴
窓月榭開雕闌前楹翠筠玉珊珊素琴鳴絲朝罷

彈匏樽濁酒可和顏衣汝以五彩之春雲食汝以
百斛之琅玕軒庭不驚樂且閑飛仙歸來莫盤桓

和歸去來辭

自平原
回作

歸去來兮離家十年今始歸返故園之初服抱去
國之餘悲慕古人之遠引高風邈其難追嗟弱齡
之昧道及暮齒而知非迴獨軫於脩途振江海之
輕衣望松楸其匪遠睇桑梓之依微爰憇我馬自
茲驚奔復掃花徑重開華門朋舊載過宗族具存
既列琴瑟亦羅匏樽俯清泉以濯足蔭嘉樹而怡
顏喜塵緣之靜盡覺靈府之閑安挹涼風以抗牖

延素月而開關極林野之清娛縱卉木之竒觀歲
將闌而歎徃日既夕而忘還感風霜之交集立檜
栢之桓桓歸去來兮罷吳楚之宦遊撫四方者倦
矣獲素願兮奚求窮歲時以靜賞攄夙昔之煩憂
侶漁樵於山澤服稼穡於田疇心淡止水身如虛
舟慰佳辰以雅集散遐矚於高丘慨吾年之日邁
閱逸景之星流守窮閭以待盡依先隴之餘休已
矣乎人生會遇良有時丹崖綠壑不少留世路如
此將安之心與造物遊全歸以爲期問桑麻於井
里課僮僕之禽耔飲柴桑之薄酒詠秋菊之新詩

孫西華集
卷之九
信流行與坎止達生委運其何疑

西華集卷之九終

